

“СЎФИҚИШЛОҚ ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ ЙИЛЛИК УМУМИЙ ЙИҒИЛИШИ 1-СОН БАЁННОМАСИ

**Андижон вилояти,
Жалакудук тумани, Навоий кўчаси, 12-уй**

2017 йил 30 июнь

Умумий йиғилишнинг ўтиш жойи: Андижон вилояти, Жалакудук тумани, Навоий кўчаси, 12-уйда жойлашган “Сўфиқишлоқ пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **9:00**

Акциядорларни рўйхатдан ўтказиш тугаган вақт: **09:50**

Акциядорлар умумий йиғилиш бошланган вақт: **10:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 1 240 317.

“Сўфиқишлоқ пахта тозалаш” АЖ акциядорларининг навбатдаги йиллик умумий йиғилиши (келгусида матн давомида - Йиғилиш) жамият бош директорининг 2017 йил 14 июндаги 36-сонли таклифи инобатга олинб, кузатув кенгаши томонидан 2017 йил 14 июнда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана – 2017 йил 26 июнь.

Жамият кузатув кенгашининг раиси узрли сабабларга кўра йиғилишда қатнашмаётганлиги сабабли, кузатув кенгашининг аъзоси У.Ақбаралиев йиғилиш раёсатини ва котибини сайлаш бўйича таклиф берди.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1.Исаков Дилмурат Жураевич– АЖ “Андижонпахтасаноат” ҳудудий бирлашмаси бошқарув раиси вазифасини вақтинча бажарувчи- Йиғилишда раислик қилувчи;

2.Ақбаралиев Улуғбек Абдумуталович–жамият кузатув кенгаши аъзоси ;

3.Юсупов Элёрбек Эркинович –жамият бош директори в.б.

Йиғилиш котиби этиб Х.Тиллаева–жамиятнинг акциядорлар билан корпоратив муносабатлар бўлими бошлиғи сайланди.

Йиғилишни, йиғилишда раислик қилувчи Д.Исаков очди ва акциядорлар ҳамда йиғилиш қатнашчиларини қутлаб, йиғилиш қворуми бўйича ахборот бериш учун сўзни санок комиссияси аъзоси Б.Хасанов берди.

Санок комиссияси ахбороти:

Қимматли қоғозлар Марказий Депозитарийси томонидан 2017 йил 27 июнь ҳолатига шакллантирилган “Сўфиқишлоқ пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 1644 та акциядорга тегишли 1 240317 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 1 167 923 дона овоз берувчи акцияларга эга бўлган 3 та акциядор (унинг вакили) рўйхатдан ўтди. Бу эса умумий овоз берувчи акцияларнинг 94,16 % ни ташкил этади ва йиғилиш ваколатли (қворумга эга) ҳисобланади.

Йиғилишга таклиф этилганлар:

Э.Юсупов—жамият бош директори;
К.Артиков—жамият тафтиш комиссияси раиси;
Р.Садиров—жамиятнинг молиявий масалалар бўйича директори;
Х.Қосимов - “Кафолат Люкс” МЧЖ аудиторлик ташкилоти аудитори ва жамият ижроия органи бўлим бошликлари.

Йиғилишда раислик қилувчи Д.Исаков йиғилиш кун тартибини эълон қилди.

КУН ТАРТИБИ:

1. Санок комиссияси аъзолари сони ва шахсий таркибини тасдиқлаш.
2. Акциядорларнинг йиллик умумий йиғилишининг регламентини тасдиқлаш.
3. Жамият ижроия органи раҳбарининг 2016 йилдаги фаолияти бўйича ҳисоботини эшитиш.
4. Жамият кузатув кенгашининг 2016 йилдаги фаолияти бўйича ҳисоботини эшитиш.
5. Жамият ижроия органи раҳбарини тайинлаш ва у билан меҳнат шартномасини бир йил муддатга тузиш.
6. Жамиятнинг 2016 йил яқунлари бўйича аудиторлик ташкилотининг ҳулосасини тасдиқлаш.
7. Жамиятнинг 2016 йиллик ҳисоботини ва 2017 йил учун мўлжалланган бизнес-режасини тасдиқлаш.
8. Жамиятнинг 2016 йил яқунлари бўйича молия-хўжалик фаолиятини текшириш яқунларига кўра тафтиш комиссияси ҳулосасини эшитиш.
9. Жамиятнинг 2015-2016 йиллар якуни бўйича олинган соф фойдасини тақсимлаш.
10. Жамият кузатув кенгаши аъзоларини сайлаш.
11. Жамият тафтиш комиссияси аъзоларини сайлаш.
12. Жамиятнинг янги ташкилий тузилмасини тасдиқлаш.
13. 2017 йил молия-хўжалик фаолияти якуни бўйича аудиторлик текширувини, шу жумладан Халқаро стандартларга мувофиқ тузилган молиявий ҳисоботларнинг Халқаро аудит стандартларга мувофиқ аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш.
14. Жамият Уставига ўзгартиш ва қўшимчалар киритиш.
15. Жамият томонидан 2017 йил 17 февралда “Жалакудук туман агромониторинг маркази” МЧЖ га киритилган – 83828,0 минг сўм ёки 51% ва 2017 йил 17 февралда “Қўрғонтепа туман агромониторинг маркази” МЧЖга киритилган – 58128,0 минг сўм ёки 51% таъсис улушларини маъқуллаш.
16. Жамиятнинг аффилланган шахслари билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимларни тасдиқлаш (Иловадаги рўйхатга асосан).
17. Жамият томонидан 2016 йил давомида амалга оширилган хомийликларни тасдиқлаш ва жамият харажатига олиб бориш.

18. Қонунчиликда белгиланган даъво муддати ўтган жамиятнинг дебиторлик ва кредиторлик (шу жумладан дивидендлардан) қарздорликларини ҳисобдан чиқаришни кўриб чиқиш ҳамда бухгалтерия ҳужжатларда тегишли ёзувларни киритиш.

19. Жамиятда 2016 йил якунлари бўйича ўтказилган корпоратив бошқарув тизимини мустақил баҳолаш натижаларини кўриб чиқиш.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи Д.Исаков сўзга чиқиб, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2017 йил 15 июндаги йиғилиш қарорига кўра санок комиссияси таркибига жамият ходимлари Хасанов Бобуржон, Уринбоева Гулҳумор ва Ходдарова Оязим номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг йиллик умумий йиғилиши қарор қилади:

1. Уч кишидан иборат қуйидаги таркибда санок комиссияси тасдиқлансин:

- 1) Хасанов Бобуржон;
- 2) Уринбоева Гулҳумор;
- 3) Холдарова Оязим.

Кун тартибидаги иккинчи масала бўйича йиғилишда раислик қилувчи Д.Исаков сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 19 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун - 5 (беш) дақиқагача вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг йиллик умумий йиғилиши қарор қилади:

1. Жамият акциядорлари йиллик умумий йиғилишининг регламенти тасдиқлансин.

Кун тартибидаги учинчи масала бўйича жамият ижроия органи раҳбари-бош директор в.б. Э.Юсупов сўзга чиқиб, 2016 йилдаги фаолияти бўйича ҳисобот берди (ҳисобот илова қилинади).

Ҳисоботда жамиятни ривожлантириш стратегиясига эришиш бўйича кўрилаётган чора-тадбирлар, ишлаб чиқариш, молиявий-хўжалик фаолияти ва бизнес-режа бажарилиши тўғрисидаги кўрсаткичлар ҳамда ишчи-хизматчиларни ижтимоий ҳимоялаш бўйича амалга оширилган ишлар ўз аксини топган.

Йиғилиш қатнашчилари томонидан жамият бош директорининг 2016 йилдаги фаолияти бўйича ҳисоботи муҳокама қилиниб, йўл қўйилган камчиликлар юзасидан бош директор в.б. Э.Юсуповга тегишли топшириқлар берилди.

Йиғилишда раислик қилувчи Д.Исаков акциядорлардан бош директорнинг 2016 йилдаги фаолиятига баҳо бериш ва унинг ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги учинчи масала бўйича акциядорларнинг йиллик умумий йиғилиши қарор қилади:

1. Жамият ижроия органи раҳбарининг 2016 йилдаги фаолияти қоникарли деб топилсин ва ҳисоботи маълумот учун қабул қилинсин.

Кун тартибидаги тўртинчи масала бўйича жамият кузатув кенгаши аъзоси У.Акбаралиев сўзга чиқиб, йиғилиш қатнашчиларига кузатув кенгашининг 2016 йилдаги фаолияти бўйича ҳисоботини ўқиб эшиттирди (ҳисобот илова қилинади).

Ҳисоботда асосан кузатув кенгаши томонидан жамиятни ривожлантириш стратегиясига эришиш бўйича кўрилаётган чора-тадбирлар, ўтказилган йиғилишлар, йиғилишларда қабул қилинган қарорлар ўз аксини топган.

Йиғилишда раислик қилувчи Д.Исаков акциядорлардан жамият кузатув кенгашининг 2016 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги тўртинчи масала бўйича акциядорларнинг йиллик умумий йиғилиши қарор қилади:

1. Жамият кузатув кенгашининг 2016 йилдаги фаолияти бўйича ҳисоботи маълумот учун қабул қилинсин.

Кун тартибидаги бешинчи масала бўйича йиғилишда раислик қилувчи Д.Исаков сўзга чиқиб, жамият кузатув кенгашининг 2016 йил 30 августдаги қарори билан тайинланган ижроия органи раҳбари Юсупов Элёрбек Эркиновични қайта тайинлаш ва у билан меҳнат шартномасини бир йил муддатга тузиш таклифини йиғилиш иштирокчилари муҳокамасига киритди ҳамда акциядорларга кун тартибидаги мазкур масала бўйича берилган таклифга ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёклаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши қарор қилади:

1. 2017 йил 01 сентябрга қадар “Сўфиқишлоқ пахта тозалаш” АЖ ижроия органи раҳбари вазифасини вақтинча бажарувчи этиб Юсупов Элёрбек Эркинович тайинлансин.

2. “Сўфиқишлоқ пахта тозалаш” кузатув кенгаши, жамият ижроия органи раҳбари вазифасини вақтинча бажарувчи Юсупов Элёрбек Эркинович билан белгиланган тартибда меҳнат шартномасини (шартномани амал қилиш муддати 2017 йил 01 сентябргача) тузилишини таъминласин.

3. Жамият кузатув кенгаши “Андижонпахтасаноат ҳудудий филиали” МЧЖ томонидан 2016 йил пахта ҳосили якуни бўйича Назорат тафтиш бошқармасининг текшириш далолатномасига асосан бериладиган ёзма маълумотномасига кўра, жамият ижроия органи раҳбари вазифасини вақтинча бажарувчи билан меҳнат шартномасини чўзиш, чўзмаслик ёки ижроия органи раҳбарини тайинлаш масаласини кўриб чиқсин.

4. Жамият ижроия органи раҳбари вазифасини вақтинча бажарувчи Юсупов Элёрбек Эркиновичга:

-ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият Уставида белгиланган ҳуқуқ ва мажбуриятлардан қонун доирасида фойдаланиш ҳуқуқи берилсин;

-2016 йил пахта ҳосили якуни бўйича Назорат тафтиш бошқармасининг текшириш далолатномасига асосан кузатув кенгашига ёзма маълумотнома берилиши учун мазкур йиғилиш баённомасидан кўчирмани 10 кун муддат ичида “Андижонпахтасаноат ҳудудий филиали” МЧЖга етказилишини таъминласин.

Кун тартибидаги олтинчи масала бўйича “Кафолат Люкс” МЧЖ аудиторлик ташкилоти аудитори Х.Қосимов сўзга чиқиб, жамиятнинг 2016 йил молия-хўжалик фаолияти якуни бўйича 2017 йил 28 апрелдаги

Миллий стандартларга мувофиқ аудиторлик текшируви хулосаси билан йиғилиш иштирокчиларини таништирди.

Бундан сўнг “Назорат аудит” МЧЖ аудиторлик ташкилоти аудитори Б.Назаров сўзга чиқиб, жамиятнинг 2016 йил молия-хўжалик фаолияти якуни бўйича 2017 йил 30 майдаги Халқаро аудит стандартларга мувофиқ аудиторлик текшируви хулосаси билан йиғилиш иштирокчиларини таништирди.

“Кафолат Люкс” МЧЖ аудиторлик ташкилотининг хулосасида “Сўфиқишлоқ пахта тозалаш” АЖнинг 2016 йил 31 декабр ҳолатидаги молиявий ҳисоботи барча муҳимлилик жиҳатлари бўйича унинг молиявий ҳолатини ва молиявий-хўжалик фаолияти натижаларини ҳаққоний акс эттиради ва Ўзбекистон Республикаси қонунчилигига ҳамда халқаро стандартларга мувофиқ.

Йиғилишда раислик қилувчи Д.Исаков акциядорлардан 2016 йил молия-хўжалик фаолияти якуни бўйича “Кафолат Люкс” МЧЖ МЧЖ аудиторлик ташкилотининг 2017 йил 28 апрелдаги Миллий стандартларга мувофиқ ва “Назорат аудит” МЧЖ аудиторлик ташкилотининг 2017 йил 30 майдаги Халқаро аудит стандартларга мувофиқ аудиторлик текшируви хулосаларини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

1. “Кафолат Люкс” МЧЖ аудиторлик ташкилотининг 2017 йил 28 апрелдаги Миллий стандартларга мувофиқ ва “Назорат аудит” МЧЖ аудиторлик ташкилотининг 2017 йил 30 майдаги Халқаро аудит стандартларига мувофиқ берилган аудиторлик текшируви хулосалари тасдиқлансин.

Кун тартибидаги еттинчи масала бўйича жамият молиявий масалалар бўйича директори Р.Садировга сўз берилди ва у йиғилиш иштирокчилари эътиборига жамиятнинг 2016 йил якуни бўйича йиллик ҳисоботи ва 2017 йил учун мўлжалланган бизнес-режаси билан йиғилиш қатнашчиларини таништирди (йиллик ҳисобот ва бизнес-режа илова қилинади).

Йиғилишда раислик қилувчи Д.Исаков акциядорлардан жамиятнинг 2016 йиллик ҳисоботини ва 2017 йил учун мўлжалланган бизнес-режасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги еттинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2016 йил якуни бўйича йиллик ҳисоботи тасдиқлансин.

2. Жамиятнинг 2017 йил учун мўлжалланган бизнес-режаси 1-иловага мувофиқ тасдиқлансин.

Кун тартибидаги саккизинчи масала бўйича йиғилишда раислик қилувчи Д.Исаков жамиятнинг Тафтиш комиссияси раиси К.Артиковга сўз берди.

К.Артиков жамиятнинг 2016 йил якунлари бўйича молия-хўжалик фаолиятини текшириш якунларига кўра тайёрланган тафтиш комиссияси хулосасини ўқиб эшиттирди (хулоса илова қилинади).

Йиғилишда раислик қилувчи Д.Исаков акциядорлардан жамият тафтиш комиссиясининг хулосасини маълумот учун қабул қилишни таклиф этди ва ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги саккизинчи масала бўйича акциядорларнинг йиллик умумий йиғилиши қарор қилади:

1.Жамиятнинг 2016 йил якунлари бўйича молия-хўжалик фаолиятини текшириш якунларига кўра тузилган Тафтиш комиссиясининг хулосаси маълумот учун қабул қилинсин.

Кун тартибидаги тўққизинчи масала бўйича йиғилишда раислик қилувчи Д.Исаков сўзни жамиятнинг бош директори в.б Э.Юсуповга берди.

Э.Юсупов йиғилиш иштирокчиларини кун тартибидаги масала бўйича ижроия органининг ва жамият кузатув кенгашининг таклифи билан таништирди.

Ўзбекистон Республикаси Президенти Шавкат Мирзиёевнинг мамлакатимизни 2016 йилда ижтимоий-иқтисодий ривожлантиришнинг асосий якунлари ва 2017 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузасида пахтасаноат тармоғининг модернизация қилиш ва инвестиция лойиҳаларини амалга ошириш бўйича ишлар ўта қониқарсиз йўлга қўйилганлиги айтиб ўтилган ҳамда яқин вақт ичида уларни бажаришни таъминлаш бўйича тизимли чора-тадбирларни белгилаш вазифаси берилганлиги кўрсатилган. Шунга асосан жамиятнинг 2015 ва 2016 йиллар якуни бўйича 327759,0 минг сўмлик соф фойдасини жамиятни ривожлантиришга йўналтириш таклиф этилмоқда. Яъни "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикаси Қонунининг 18-моддасига асосан жамиятнинг устав фондини унинг ўз капитали ҳисобидан кўпайтирилишига йўналтириш.

Шу билан бирга, жамият уставига асосан жамиятнинг захира фонди жамият устав капиталининг 15 фоизи – 93023,8 минг сўм миқдорида тузилади ва бугунги кунда захира фонди 38449,8 минг сўм, яъни устав капиталнинг 6,2 фоизини ташкил этади.

Жамият уставида захира фондига белгиланган миқдорга етгунига қадар ҳар йили соф фойдадан 5 фоиз миқдорида ажратмалар ўтказилиши белгиланганлиги сабабли, жамиятнинг 2015 ва 2016 йиллар якуни бўйича соф фойдасини қуйидаги тартибда тақсимланиши бўйича акциядорлар умумий йиғилишига таклиф этилди:

- 5 фоиз- 16 387 950 сўм захира фондига;
- қолган 95 фоиз ёки 311 371 050 сўмни жамиятнинг устав фондиди қўшимча акцияларни чиқариш йўли билан кўпайтирилиши учун йўналтиришга.

Бундан сўнг, жамиятнинг молиявий масалалар бўйича директори Р.Садиров сўзга чиқиб, ҳозирги кунда жамиятнинг бухгалтерия ҳисоботларида эски йилларнинг соф фойдасидан устав фондига капитализация қилиш шarti билан йўналтирилган йуклиги ҳақида маълумот берди.

Муҳокамадан сўнг йиғилишда раислик қилувчи Д.Исаков акциядорлардан кун тартибидаги масала бўйича берилган таклифга ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги тўққизинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2015-2016 йиллар якуни бўйича олинган – 327 759 000 сўм соф фойдаси қуйидагича тақсимлансин:

- 16 387 950 сўм ёки соф фойданинг 5% захира фондига йўналтирилсин;
- 311 371 050 сўм ёки соф фойданинг 95 % қўшимча акцияларни чиқариш йўли билан жамият устав фондиди кўпайтиришга йўналтирилсин.

2. “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 18-моддасига асосан жамиятнинг устав фондиди унинг ўз капитали ҳисобидан кўпайтиришда қўшимча акциялар барча акциядорлар ўртасида тақсимланиши ва ҳар бир акциядорга қайси турдаги акциялар тегишли бўлса, аynи ўша турдаги акциялар унга тегишли акциялар сонига мутаносиб равишда тақсимланади.

Жамиятнинг 2015-2016 йиллар якуни бўйича олинган соф фойдадан қўшимча акцияларни чиқариш йўли билан жамият устав фондиди кўпайтиришга йўналтирилган 311371050 сўм маблағ юқорида кўрсатилган Қонун меъёри бажарилмаётганлиги сабабли, акцияларни кейинги чиқарилишларда инобатга олинсин.

Кун тартибидаги ўнинчи масала бўйича йиғилишда раислик қилувчи Д.Исаков сўз олди ва жамият кузатув кенгаши аъзоларини сайлаш учун

жамиятнинг 1157321 дона акция эгаси АЖ “Андижонпахтасаноат” ҳудудий бирлашмаси томонидан кўрсатилган номзодлар тўғрисида маълумот берди. Унга асосан Инагамов Акмалходжа Хатамович - “Ўзпахтасаноат” АЖ бошқарма бошлиғи, Ташимов Султонмурод Чориевич - «Ўзпахтасаноат» АЖ булим бошлиғи, Мурадов Джалолиддин Сурабаевич - «Ўзпахтасаноат» АЖ омбор мудир, Пулатов Равшан Абдуллаевич - “Ўзпахтасаноат” АЖ бош мутахассиси, Қобилов Ибодулла Муродуллаевич - Вазирлар Маҳкамаси мутахассиси, Аҳмедов Давронжон Абдурасулович - «Ўзпахтасаноатэкспорт» ХК булим бошлиғи, Ходжаев Шахруз Алишер ўғли - «Ўзпахтасаноатэкспорт» ХК бошқарма бошлиғи уринбосари, Эргашев Абдимухтор Эргашевич - Вазирлар Маҳкамаси мутахассиси, Акбаралиев Улуғбек Абдумуталович - «Пахтасаноат ҳудудий филиали» МЧЖ кимматли коғозлар бўйича етакчи мутахассис номзодлари белгиланган тартибда кузатув кенгаши таркибига сайланиши учун кўрсатилган ва кумулятив овоз бериш бўйича бюллетенларига киритилган.

Муҳокамадан сўнг, йиғилишда раислик қилувчи Д.Исаков акциядорлардан кузатув кенгашига кўрсатилган номзодларни сайлаш учун ўз муносабатларини кумулятив овоз бериш бўйича тузилган бюллетенлар орқали билдиришларини сўради.

Ушбу масала юзасидан овоз бериш натижалари:

АЖ “Андижонпахтасаноат” ҳудудий бирлашмаси томонидан кўрсатилган номзодлардан:

Инагамов Акмалходжа Хатамовичга:

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Ташимов Султонмурод Чориевичга:

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Мурадов Джалолиддин Сурабаевичга:

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Пулатов Равшан Абдуллаевич га:

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Қобилов Ибодулла Муродуллаевичга:

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Аҳмедов Давронжон Абдурасулович

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Ходжаев Шахруз Алишер ўғли

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Эргашев Абдимухтор Эргашевич

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Акбаралиев Улуғбек Абдумуталович

“Ёқлаганлар” – 1167923 та овоз; “Қаршилар” - йўқ; “Бетарафлар” - йўқ.

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши қарор қилади:

Жамият кузатув кенгаши аъзолигига қуйидагилар сайлансин:

АЖ “Андижонпахтасаноат” ҳудудий бирлашмаси томонидан кўрсатилган номзодлардан:

1. Инагамов Акмалходжа Хатамович - "Ўзпахтасаноат" АЖ бошқарма бошлиғи.
2. Ташимов Султонмурод Чориевич - «Ўзпахтасаноат» АЖ булим бошлиғи.
3. Мурадов Джалолиддин Сурабаевич - «Ўзпахтасаноат» АЖ омбор мудир.
4. Пулатов Равшан Абдуллаевич - «Ўзпахтасаноат» АЖ бош мутахассиси.
5. Қобилов Ибодулла Муродуллаевич - Вазирлар Маҳкамаси мутахассиси.
6. Аҳмедов Давронжон Абдурасулович - «Ўзпахтасаноатэкспорт» ХК булим бошлиғи.
7. Ходжаев Шахруз Алишер ўғли - «Ўзпахтасаноатэкспорт» ХК бошқарма бошлиғи уринбосари.
8. Эргашев Абдимухтор Эргашевич - Вазирлар Маҳкамаси мутахассиси.
9. Акбаралиев Улуғбек Абдумуталович - «Пахтасаноат ҳудудий филиали» МЧЖ кимматли коғозлар бўйича етакчи мутахассис.

Кун тартибидаги ўн биринчи масала бўйича йиғилишда раислик қилувчи Д.Исаков сўз олди ва жамият тафтиш комиссияси аъзоларини сайлаш учун жамиятнинг 1157321 дона акция эгаси АЖ “Андижонпахтасаноат ҳудудий бирлашмаси томонидан кўрсатилган номзодлар тўғрисида маълумот берди.

Азимов Зокиржон Обидович - «Ўзпахтасаноатэкспорт» ХК Бош мутахассиси,
Абдураззақов Эркинжон Алимович - «Пахтасаноат ҳудудий филиали» МЧЖ директор уринбосари,
Артиқов Комилжон Фозилович - «Жалақудуқ ҳамкор транс» МЧЖ мутахассиси.

Муҳокамадан сўнг, йиғилишда раислик қилувчи Д.Исаков акциядорлардан тафтиш комиссиясига кўрсатилган номзодларни сайлаш учун ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

Жамият тафтиш комиссияси аъзолигига қуйидагилар сайлансин:

АЖ “Андижонпахтасаноат” ҳудудий бирлашмаси томонидан кўрсатилган номзодлардан:

1. Азимов Зокиржон Обидович - «Ўзпахтасаноатэкспорт» ХК Бош мутахассиси
2. Абдураззақов Эркинжон Алимович - «Пахтасаноат ҳудудий филиали» МЧЖ директор уринбосари
3. Артиқов Комилжон Ғозилов - «Жалақудук ҳамкор транс» МЧЖ мутахассиси.

Кун тартибидаги ўн иккинчи масала бўйича жамиятнинг бош директори в.б. Э.Юсупов сўзга чиқиб, замонавий корпоратив бошқарув услубларини жорий қилиш ва ишлаб чиқариш заруриятига кўра жамиятнинг янги ташкилий тузилмаси билан йиғилиш қатнашчиларни таништирди.

Янги ташкилий тузилма Хизматчиларнинг асосий лавозимлари ва ишчилар касбларининг классификаторига асосан ишлаб чиқилганлигини маълум қилинди.

Бундан сўнг, йиғилишда раислик қилувчи Д.Исаков акциядорлардан жамиятнинг янги ташкилий тузилмасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бегарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн иккинчи масала бўйича акциядорларнинг йиллик умумий йиғилиши қарор қилади:

1.Жамиятнинг янги ташкилий тузилмаси 2-иловага мувофиқ тасдиқлансин.

Кун тартибидаги ўн учинчи масала бўйича жамиятнинг молиявий масалалар бўйича директори Р.Садиров сўзга чиқиб, жамиятда 2017 йил якуни бўйича аудиторлик текширувини шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ ташқи аудиторлик текширувидан ўтказиш учун аудиторлик ташкилотларидан жамиятга келиб тушган куйидаги тижорат таклифлари билан йиғилиш қатнашчиларини таништирди:

т/р	Аудиторлик ташкилотининг номи	Мурожаат санаси ва рақами	Миллий аудит стандартларга мувофиқ аудиторлик текшируви, минг сўмда	Халқаро аудит стандартларга мувофиқ аудиторлик текшируви, минг сўмда
1	“KAFOLAT-LYUKS AUDIT” МЧЖ	09.02.2017й. 31-сон	9 000,0	10 000,0
2	“GRANIT-AUDIT” МЧЖ	17.01.2017 йил № 46-сон	10 000.0	12 000,0

Муҳокама давомида жамият кузатув кенгаши аъзоси У.Акбаралиев жамиятга келиб тушган тижорат таклифларни инобатга олган ҳолда, ташқи аудиторлик текширувини ўтказиш учун аудиторлик ташкилотлари орасидан малакали мутахассисларга ҳамда энг қулай нархларга эга бўлган аудиторлик ташкилотини танлаш зарурлигини билдирди.

Бундан сўнг, йиғилишда раислик қилувчи Д.Исаков акциядорларидан 2017 йил якуни бўйича аудиторлик текширувини шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ аудиторлик текширувидан ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз маносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн учинчи масала бўйича акциядорларнинг йиллик умумий йиғилиши қарор қилади:

1. 2017 йил якуни бўйича аудиторлик текширувини:

-Миллий аудит стандартларига мувофиқ аудиторлик текширувини ўтказиш учун “KAFOLAT-LYUKS AUDIT” МЧЖ аудиторлик ташкилоти танлансин ва унинг хизматларига тўланадиган ҳақнинг миқдори - 9000,0 минг сўм белгилансин;

-Халқаро аудит стандартларига мувофиқ аудиторлик текширувини ўтказиш учун “KAFOLAT-LYUKS AUDIT” аудиторлик ташкилоти танлансин ва унинг хизматларига тўланадиган ҳақнинг миқдори - 10000,0 минг сўм белгилансин.

2. Жамият ижроия органи раҳбарига:

-юқорида кўрсатилган аудиторлик ташкилотлари билан белгиланган тартибда шартномаларни тузсин;

-қонунчиликда белгиланган муддатларда жамият Акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ва ҳулосаларни киритсин.

Кун тартибидаги ўн тўртинчи масала бўйича йиғилишда раислик қилувчи Д.Исаков сўзга чиқиб, акциядорларни жамият Уставига киритилаётган ўзгартиш ва қўшимчалар билан таништирди.

Д.Исаков томонидан жамиятнинг Уставига ўзгартиш ва қўшимчалар киритиш орқали унинг янги таҳририни тасдиқлаш, шунингдек Уставга киритилаётган ўзгартиш ва қўшимчалар муносабати билан жамиятнинг “Акциядорлар умумий йиғилиши тўғрисида”ги, “Кузатув кенгаши тўғрисида”ги ва “Ижроия органи тўғрисида”ги Низомларини ҳам янги таҳрирларини тасдиқлаш таклиф этилди ҳамда ушбу ҳужжатларнинг лойиҳалари билан акциядорлар таништирилди.

Муҳокамадан сўнг, акциядорлардан мазкур масала бўйича ўз муносабатларини бюллетенда овоз бериш орқали билдиришлари сўралди.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн тўртинчи масала бўйича акциядорларнинг йиллик умумий йиғилиши қарор қилади:

1. Жамият Уставига ўзгартиш ва қўшимчалар киритилиб, унинг янги таҳрири 3-иловага мувофиқ тасдиқлансин.

2. Жамият Устави янги таҳрири тасдиқланганлиги муносабати билан, жамиятнинг “Акциядорлар умумий йиғилиши тўғрисида”ги, “Кузатув кенгаши тўғрисида”ги ва “Ижроия органи тўғрисида”ги Низомларининг янги таҳрирлари 4-, 5- ва 6-иловаларга мувофиқ тасдиқлансин.

3. Жамият ижроия органи раҳбарига:

-қонунчиликда белгиланган муддатда ва тартибда жамиятнинг янги таҳрирдаги Уставини давлат рўйхатидан ўтказилишини таъминласин;

-жамиятнинг “Акциядорлар умумий йиғилиши тўғрисида”ги, “Кузатув кенгаши тўғрисида”ги ва “Ижроия органи тўғрисида”ги Низомларининг янги таҳрирларини жамият фаолиятига татбиқ этиш бўйича тегишли чораларни кўрсин.

Кун тартибидаги ўн бешинчи масала бўйича йиғилишда раислик қилувчи Д.Исаков сўзни жамият бош директори в.б. Э.Юсуповга берди.

Э.Юсупов акциядорларга, Ўзбекистон Республикаси Вазирлар Маҳкамасининг 2017 йил 08 февралдаги 03-12-7-сон “Қишлоқ хўжалиги маҳсулотлари етиштирувчилар билан таъминотчи ва хизмат кўрсатувчи корхоналар ўртасида ўзаро ҳисоб-китобларни ягона ахборот базасини шакллантириш ҳамда ҳисоб-китоб Мониторинг марказлари фаолиятини такомиллаштириш қўшимча чора тадбирлари тўғрисида”ги йиғилиш баёни ижросини таъминлаш мақсадида, жамият кузатув кенгашининг тегишли қарорлари асосида жамият томонидан 2017 йил 17 февралда “Жалакудук туман агромониторинг маркази” МЧЖ устав фондига (51%) 83828,0 минг сўм ва 2017 йил 17 февралда “Қўрғонтепа туман агромониторинг маркази” МЧЖ устав фондига (51%) 58528,0 минг сўм таъсис улушлари киритилганлиги тўғрисида ахборот берди.

Йиғилишда раислик қилувчи Д.Исаков акциядорларга жамият томонидан юқорида қайд этилган сармояларни маъқуллашни ва ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн бешинчи масала бўйича акциядорларнинг йиллик умумий йиғилиши қарор қилади:

1. Жамият томонидан 2017 йил 17 февралда “Жалакудук туман агромониторинг маркази” МЧЖга киритилган – 83 828,0 минг сўм ёки 51% ва 2017 йил 17 февралда “Қўрғонтепа туман агромониторинг маркази” МЧЖга киритилган – 58 528,0 минг сўм ёки 51% таъсис улушлари маъқуллансин.

Кун тартибидаги ўн олтинчи масала бўйича йиғилишда раислик қилувчи Д.Исаков сўзни жамият Тафтиш комиссияси раиси К.Артиковга берди.

К.Артиков сўзга чиқиб, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 88-моддасига асосан жамиятнинг акциядорларнинг умумий йиғилиши аффилиланган шахс билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимни (битимларни) маъқуллаш ҳақида қарор қабул қилишга ҳақлилигини айтди ва акциядорлар эътиборига жамиятнинг аффилиланган шахслари билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимлар рўйхатини ҳавола этди.

Йиғилишда раислик қилувчи Д.Исаков акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн олтинчи масала бўйича акциядорларнинг йиллик умумий йиғилиши қарор қилади:

1. Жамиятнинг аффилиланган шахслари билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимлар рўйхати 7-иловага мувофиқ тасдиқлансин.

Кун тартибидаги ўн еттинчи масала бўйича йиғилишда раислик қилувчи Д.Исаков сўзни жамиятнинг молиявий масалалар бўйича директори Р.Садиров берди.

Р.Садиров жамият томонидан 2016 йил давомида амалга оширилган ҳомийликлар тўғрисида акциядорларга ахборот берди (маълумот илова қилинади).

Муҳокамада жамият бош директор в.б Э.Юсупов иштирок этиб, ҳар бир ҳомийлик мақсадли равишда Ҳукумат дастурлари асосида амалга оширилганлигини таъкидлаб, 2016 йилда _____ минг сўмлик ҳомийликларни рўйхатга асосан тасдиқланишини ҳамда жамият харажатиға олиб боришга розилик берилишини йиғилиш иштирокчиларидан сўради.

Йиғилишда раислик қилувчи Д.Исаков акциядорларга мазкур кун тартибидаги масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн еттинчи масала бўйича акциядорларнинг йиллик умумий йиғилиши қарор қилади:

1. Жамият томонидан 2016 йил давомида амалга оширилган хомийликлар рўйхати 8-иловага мувофиқ тасдиқлансин ва жамият харажатига олиб борилсин.

Кун тартибидаги ўн саккизинчи масала бўйича йиғилишда раислик қилувчи Д.Исаков сўзни жамиятнинг молиявий масалалар бўйича директори Р.Садировга берди.

Р.Садиров сўзга чиқиб, жамиятнинг дебиторлик ва кредиторлик қарздорликлари таҳлилини ўтказувчи ишчи-гуруҳи томонидан тасдиқланган хулосасига асосан қонунчиликда белгиланган даъво муддати ўтган жамиятнинг _____ минг сўмлик дебиторлик ҳамда _____ минг сўмлик кредиторлик (шу жумладан дивидендлардан) қарздорликлари мавжудлиги тўғрисида маълумот берди (хулоса илова қилинади).

Муҳокамада Д.Исаков ушбу қарздорликларни ҳисобдан чиқаришни ва бухгалтерия хужжатларига тегишли ёзувларни киритишни таклиф этди.

Йиғилишда раислик қилувчи Д.Исаков акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 1 167 923та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн саккизинчи масала бўйича акциядорларнинг йиллик умумий йиғилиши қарор қилади:

1. Жамиятнинг қонунчиликда белгиланган даъво муддати ўтган дебиторлик ва кредиторлик (шу жумладан дивидендлардан) қарздорликлари 9-иловадаги рўйхатга мувофиқ ҳисобдан чиқарилсин ҳамда бухгалтерия хужжатларига тегишли ёзувлар киритилсин.

Кун тартибидаги ўн тўққизинчи масала бўйича йиғилишда раислик қилувчи Д.Исаков сўзни жамият бош директори в.б Э.Юсуповга берди.

Э.Юсупов жамиятнинг 2016 йил якунлари бўйича корпоратив бошқарув тизимини мустақил баҳолаш - Қимматли қоғозлар Марказий Депозитарийси” Давлат корхонаси томонидан ўтказилганлигини маълум қилиб, ушбу ташкилотнинг 2017 йил 19 июндаги хулосани акциядорларга ўқиб эшиттирди. Хулосага асосан, жамиятнинг корпоратив бошқарув тизимида бир қанча камчиликлар аниқланган ва жамият корпоратив бошқарув тизими даражаси – 156 баллга баҳоланган, яъни қониқарли деб эътироф этилган.

Бундан сўнг Д.Исаков сўзга чиқиб, Корпоратив бошқарув кодексига асосан жамиятларда ўтказилган корпоратив бошқарув тизимини мустақил баҳолаш натижаларида аниқланган камчиликларни бартараф қилиш бўйича чоралар кўриш ижроия органи зиммасига юклатилганлигини айтиб ўтди.

Йиғилишда раислик қилувчи Д.Исаков акциядорларга жамиятда 2016 йил якунлари бўйича ўтказилган корпоратив бошқарув тизимини

мустақил баҳолаш бўйича берилган хулосани маълумот бўйича қабул қилиш бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

**“Ёқлаганлар” – 1 167 923 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.**

Кун тартибидаги ўн тўққизинчи масала бўйича акциядорларнинг йиллик умумий йиғилиши қарор қилади:

1. Жамиятда 2016 йил якунлари бўйича ўтказилган корпоратив бошқарув тизимини мустақил баҳолаш натижалари бўйича “Қимматли қоғозлар марказий депозитарийси” Давлат корхонасининг хулосаси маълумот учун қабул қилинсин.


2. Жамият ижроия органи раҳбарига:

- 2016 йил якунлари бўйича ўтказилган корпоратив бошқарув тизимини мустақил баҳолаш натижаларида аниқланган камчиликларни бартараф этиш бўйича тегишли чораларни кўрсин ва икки ҳафта муддат ичида жамият кузатув кенгашига йўл қўйилган камчиликларни бартараф этиш бўйича чора-тадбирларни киритсин;

- иш фаолиятида хато ва камчиликларига йўл қўйган раҳбар ва мутахассисларига интизомий жазо чораларини кўрсин ҳамда икки ҳафта муддат ичида кўрилган интизомий жазо чоралари тўғрисидаги ёзма маълумотни “Андижонпахтасаноат ҳудудий филиали” МЧЖга киритсин.

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи Д.Исаков акциядорларга уларнинг иштироки учун миннатдорчилик билдириб, йиғилишни ёпиқ деб эълон қилди.

Йиғилишда раислик қилувчи:

 **Д.Исаков**

Йиғилиш котиби:

 **Х.Тиллаева**

Йиғилиш баённомаси 2017 йил 10 июл куни икки нусхада тузилди.